

# OMUKUETU

No: 19

ESIKU 1 IJA OKTOBER

1938

X·X·X·X·X·X·X·X ■ XX·X·X·X·X·X·X·X ■ X·X·X·X·X·X·X ■ X·X·X·X·X·X·X ■



## Omalenga ga Kalunga

"Italeni, muaa zine nando oka-  
mue kuaa mbuka uušona, ošoka  
ongame tandi mu lombuele aas-  
jengeli jauo megulu ohaa tala aas-  
luhe ošipala ša Tate megulu."

Matt. 18. 10.

Tala, u tale šili efano ndjoka ljo opa-  
la. Omunona omušona ote ende mpoka  
nokapola, ke niiponga. Okandjila ke nko-  
ka taka pitilile omušitukuti guujuni mbuka.  
Mujaka mu niilambo, nomakuena, niilika-  
ma, nomajoka, noondje n. š. t. Olje a ua-  
pa okutumbula iiponga mbjoka taji mü ko-  
ndeke, mokuenda kue muujuni mbuka. E  
ji na ojindji poonkatu ze azihe.

Otu ši ši: Omūnona ka vulu okukoto-  
ka naua, a jande po iiponga. Oondunge ze  
nomajele ge muene kaga guana oku mü  
gamena. Ngéle a kale muuike a gue šili no  
a pundukile miilambo, ihe nena e na omū-  
gameni gue. Omutumua gua Kalunga ote  
ende pamue naje. Ote mü kuata košikaha,  
no te mü endiša, no te mü pitililiša iipo-  
nga, no te mü gamene kujo. Noluindji  
kua fa te ji kandula po puje.

Esiku limue omūmatjona a matuka ku  
jina, Ta ņaņukua šili, nomeho ge taga azi-  
ma nge ta hokolola: "Ilmari a guile moši-  
lambo, mokati kiiti no kiikolokoto ojiili  
no jiili, ihe Omūjengeli e mü toola, no te  
mü papatele naua, na Ilmari ini ipuma na-  
ndo kašona." Jina okua li e ši ši ošilambo  
šijaka oša li ošileleka, no mušo mua kala  
oondungu ozindji. Jina a zilazila, omūmua-  
na koņala a se. Eno, ando a kala a ka se,  
ihe a toolua komūjengeli gue noje e mü  
papatele momaako ge, onkee ngujaka ini  
ipuma nando.

Otamu zimbulula tuu nohole mpo ji  
šike Kalunga e hole aanona. Okanona ke-  
he ta jakulua komūjengeli gue nenge ko-  
mūkuiita guomegulu, e nompito jokuja ko-  
šipala šOmuene guegulu no guevi.

Kombanda jevi aalunde aakuluntu taa  
zini aanona noondunge zauo oofupi, ihe  
aazini mbejaka noonakuhol'uuntsa, Omūua  
Jesus te ja lombuele e ta ti: „Ošili, ošili o-  
tandi mu lombuele: "Ngele itamū itezulu-  
la, mu ninge mua faanona, kamu na mpo-  
ka tamu ka ja mošilongo ša Kalunga." Na  
mpaka ota ti: „Italeni, muaaje ja zine."

Omūntu kehe e nokuitonatela kuaa  
hongolole uušona mbuka, ošoka ongoka te  
ši ningi otiihilile okugeelua okuziguzigu ši-  
li. Omūua ota ti: "Še mü opaléle, andola  
a mangelua mošingo je emaña ljošini e tu  
umbilua muule uefuta."

Aakuluntu ne, sileni omakutsi gaana  
jeni ohenda, muaaje ga ņatekiše oohapu zo  
ola, ne muaa kune moomueño zauo oo-  
mbuto za šingua.



## Ekoleko

Ekoleko oljo ešike ano? Ndi ši omũntu ngoka a kala muukriste ešimbo ele, a kala menongelo ljekoleko, šo a šikiša omašiku ge ota kolekua nduno. Nopo tuu mpo ka ota kala ta ji kUulalelo uOmũua. No taku tiua nima a kolekua, ita ji ue meno ngelo ljekoleko Nke ano aantu taa nãñukilua ekoloko, nesiku ndjoka aakriste aakolekua taa hanga omalovu, na šo taa zi kongerki ta juuhala taa nu pamue nookuu me kauo ojendji. Onke ano aantu taa nu taa kolua unene esiku ndjoka.

Eeno aakriste ojendji oja zilazila ekoleko oljo ndjoka. Ihe aue, kali ši ndjoka. Ekoleko oljo omũntu guomeni, ošoka esiku ndjono omũntu guomeni oje okua peua iikulja iijapuki joku mũ kolekua uape okuenda ondjila jOmũkulili. Je a kũatašane nOmũkulili gue molutu lumue nombinzi jĩmue. Ano kala u ši ši esiku ndjoka ua peua iikulja iijapuki, ino nua ue iikoliša, aue. Oojakuetu aakolekua pulakeneni omũkueni ngoka te tu kumagiza tui ipule naua esiku ndjoka esiku ndjoka tatu ka kolekua. Opo tuua nue iitenga ijaali. Otango ošitenga šOmũkulili, nohugunina ošitenga šomũtondi. Ano iinima mbika itaji uapa okuvu ndakanisua mumue.

Ošo uo aakriste mboka tua kala mego ngalo ešimbo ele, ope na ojendji, šo ja zi kongerki kUulalelo Uujapuki ja šuna ko magumbo gauo otaa ka nua uo omalovu gauo, oluindji oja kolua unene nokuli, nãndo esiku oljo tuu ndjoka ja zi kUulalelo Uujapuki. Kuume leša mepistoli 1 Kor. 11: 27—29.

## Ekoleko

Ovakuetu nje mu li menongelo lekoleko. Onda hala ndi mu popife. Osesi luhapu esi nda mona ovanongekua avešenge tava hulifa enongeko lavo lekoleko, ovo otava ningi ngaho ekoleko lavo. Efiku lekoleko opo pena omalodu oito itatu, ile 10, efiku limue 20. Hano onje otamu ti ngahelipi mbela? Osesi mefiku lekoleko oukolue ua tameke noluodi neeňangu n. s. t. Nande omũkolekua oje a ti ta dungu ehafo laje, hano kali si ehafo vali ehafo oso oihuna, osesi satana a holoka mosivilo esi nokua ningi muene uaso.

Osiponga osa dja peni? Hamomalodu

nani? Osesi omũntu a nua meholo la Jesus ohonde nokulja olutu luaje, ndele a nua vali meholo la satana. Oje ine lipula ohonde nolutu lua Jesus talu ti sike!

Hano onje mua nua aluse omalodu omafiku aese. Osike inamu mona mo nata ngo ehafo. Omunongekua ove u li meno ngelo lekoleko, ohai ti pamue ove to mo no efiloňenda u kolekue neudo ino si jekela okudunga omalodu mekoleko loje. Pamue ue si mono nale no ua hala jo okudunga. Oso jo ndi si si ovakriste aluse nge tava ji kOuvalelo ovo ohava fii omalodu komaumbo, hano inasi juuka nande. Leseni 1 Kor. 11: 26—31

Oso jo Omũene Jesus okua ti: „Saa efiku tamu li olutu no tamu nu ohonde dimbulukueni nge.” Hano hamoikoluifa jomalodu. Nomuenjo oua ngouapala okoiku nua ihau dimbulukua Jesus.

## Esiku llegalikano ETITATU.

Oljo osondaha esiku eti 9 lja oktober. Oohapu zesiku ndjoka ozo nzika:

epistoli: Mark. 13: 31

evangeli: 2 Kor. 5: 14, 15

Kalunga na kuase aakriste ajehe opo ja kale je nehalo okuifupipika poompazi za Jesus je noomueňo za nengenekua.

## ZOKIILONGO

### Uujuni ua pijagana ihe. . .

Uujuni uongašingeji ua fa ua pijagana naji. Aajapani taa kondjo naakiina, nošiponga šejeelu enene še ja uo mu Kiina, aakuiita naanegumbo jouala ja sile mo omajuvi nomajuvi. Evi lja kakama mu Japani sigo iilando iinene ja jonuka po.

Aaspanje ja kondjišašana omimvo mba li nokuli.

Aajuda taa jemata šili oluhepo luauo, ošoka taa tondua miilongo ojindji, ihe kape nošilongo taši taamba aatembukili jauo. Mu Palestina aajarabia taje ja tondo unene, no ja hala ošilongo ši kale šauo ajeke.

Aapangeli aarussia taa kondjiša ukriste uomošilongo šauo, ngaši je ši ningi omimvo 20 nokuli, ihe Kalunga ita sindua kaantu. Natango mevi ljauo omu naantu je hoole Kalunga, no itaa tila oku mũ longela.



Omütondi ha puizukiša aantu apehe e neulumo enene, ošoka e ši ši, ešimbo lje oljo etupi. Kalunga ketu ta pangele sigo a luhe, onke ita pumbua okuuluma. Aue e siku ljegeelo okue li uša nale, no ite li lu ndulula. Om pagano nge taga gee, nena esiku li Omūua uo oli li popepi, esiku ndjo ka enene Omūua ta sindi aatondi je ajehe, no ta zikile kombanda jevi ošilongo še šo mbili. Onke ano nge tamu ka uva oonku ndana zomalugozi, taleni muua tulue uumba nda, ošoka ošo ši nokuningua tango. Ihe muuzigu muka evangeli ljuhupišo otali ku uvišilua nu juni auhe opo omüntu kehe a uape okuihogololela šoka a hala ngele o mueño nenge eso ljaluhe.

## JAPANI OŠILONGO ŠAAJAPANI

Ošilongo ša Japani ošo šaapagani aakukutu. Ojo oha ti: omüleli guauo oje o kalunga aniuu, nomušigona kehe e noku mü longela ngašika Kalunga ha longelua. Omafano gomukesari guauo ge li moongulu ziiimenka, naantu otaa galikana komafano ngoka, ngaši Kalunga ta galikanua.

Nando je li aapagani ngeji, oje na o manongelo gauo okulonga aanaona oondunge zi ili no zi ili. Ngaši momanongelo getu ošilonga haši tamekua esiku kehe nokugalikana Kalunga omünamueño, ošo aanaona jomu Japani taa tameke esiku kehe nokugalikana efano ljomüleli guošilongo šaandjauo.

Ngašingeji aajapani ja matukile ošilongo ša Kiina. Ojo je li po aakuiita aapenda, ošoka je ši tala elago enene omušigona nge ta sile omuene guošilongo, kokutja kalunga kauo.

### UUKRISTE UE JA MO.

Ihe ukriste omo u li uo. Aahongi ina kelelua ko, naapagani jamue ja longua, ojo je eša iimenka jauo iikulu, no ja tameke okulongela Kalunga omünamueño. Ojo itaa vulu ue okugalikana efano ljomüntu, najo otaje ehama koomueño zauo o molua iita ji li ko.

Ngaši ja li aapenda muupagani, ošo je nuupenda uo šo ja ningi aakriste. Nando o ngundu jaakriste ji li po onšona, ojo haa kondjele uujuuki ua Kalunga. Omikalo o miuinaji zuupagani aakriste je zi kondjiša sigo ze ešiuu. Naakriste aajapani je nošimpuju ošinene šaapagani. Ošilonga šokutaandeliša oohapu za Kalunga mu Japani kaši ši ue šaahongi aakuiilongo. Aue, aajapani aakriste ojo taje ši longo nuupenda

uašili, aakuiilongo ojo aakuasi jauo ajeke. Ngašingeji ojo ji iušile, ojo taa ka kala taa kondjele omueño zaapagani sigo mboka ji i tezulula ja ningi je šike pu miljona jimue.

## OMAHANGENO GETUMO.

Nando ošilongo šauo ošu uza aapagani natango, aakriste jomu Japani ojo ja kala je nošimpuju šaapagani oojakuauo uo, mboka kaje na ngoka te ja tsejšile ondjila jomueño. Omümvo 1919 ojo ja ziki ehange no ljauo ljokutuma aalongi koontuntu zimue zi li mokati kefuta enene popepi kašona nošilongo šauo. Koontuntu nzijaka oku ku naantu aapagani ajeke inaa uva Kalunga omünamueño, onke okangundu kaakriste mu Japani inaka uapa okumuena, ihe ja tumu ko aalongi jauo jane, oojakuauo manga taa longo mošilongo.

Epangelo ljošilongo nando li li miika ha jaapagani, oljo lja kuaša uo ošilonga šika šaakriste aajapani. Ošo ngeji aapagani taa taandeliša ošilongo ša Kalunga mokati kaapagani oojakuauo.

Omümvo 1931 mu Japani mua zikua ehangeno ekušo okukuša aahongi aajapani mboka taa longo koontuntu zimue zi li pu Amerika.

Omümvo 1934 aajapani šo ja lala ošilongo ša Manshkuo ši li muušinda ua Kiina, aakriste aajapani ja penduka uo, no ja tumu ko aalongi jauo okutsejšila aapagani jamo oohapu zomueño.

Ošo ngeji mu Japani omu na ngašingeji omahanganotumo gatatu nokuli. Ojo ja topola iilonga. Jamue taa longo aapagani je li mošilongo, jamue taa ji kaapagani aašinda kaje nomūlongi gulue.

Uunake ohoole jomūkulili taji tameke okušiminika aauambo sigo ojo uo taa šikama taa ka taandeliša ošilongo ša Kalunga mokati kaamboka inaje ši uva nale? Unake?

Etemba e kuakiina. O nakuenda nandjila ta humbatua ngaaka mondunda kaantu jaa li mu Kiina.





## Saulus nenge Paulus?

Ngaši „Omūkuetu” e tu fatululile nokuli Saulus šo kua šašua, ina taamba ezina epe Paulus nandenande. Aantu mboka haa zilazila ngaaka inaa tseja Ombibeli jasuo.

Ngiika ua leša nokuli Iilonga jaajapostoli nena to tseja Saulus šo kua šašua oš kua šašua nezina lje ekulu Saulus (Iil. 9: 18). Šo kua šašua a kala maalongua ja Jesus (Iil. 9: 19). Saulus okua uviša no kua kumiza aantu ojendji. (9: 22, 24, 27. Konakona išeue oohapu nzika Iil. jaajapostoli 11: 25, 30; 12: 2, 7. Ano akuhe to mono ezina Saulus.

Ano mešašo lje šo a šašua ina taamba ezina epe nandenande. Okua šašua omūmvo 38.

### EZINA PAULUS LJA ZI PENI?

Omūjapostoli Saulus okua uviša akuhe nokua endaenda niilando ojindji. Šo pua piti oomvula 8 okuza kešašo lje, ano omūmvo 46, okua ji ku Kypro (Iil. 13: 7) komūhona Sergius Paulus. Sergius Paulus okui itezulula nokua hokua unene omūjapostoli Saulus nokue mü luku Paulus a ninge mbuše.

Nena itatu tseja ngele Paulus a azika e na omazina gaali nokuli Saulus na Paulus kuuhanona ue, ngašika ojendji ja li jena. Nenge ezina ndjoka Paulus oljo epelela kue li peua komūhona Sergius Paulus a ninge mbuše. Šono kaši nambuži ano, ašihe šimue. Ihe, šoka tu ši ši naua, omešašo lje šo kua šašua ina taamba ezina lje epe Paulus.

Ezina Saulus oljo elaka ljošiheperi nezina Paulus ošilatina. Ngašika aasuomi taa ti omūhongi Kivinen, ihe auambo taa ti Manja, ihe ašihe šimue šoka.

### Metestamenti epe

#### OMAZINA INAGA LUNDULULUA

nandenande, nando aantu ja šašua. Leša naua etestamenti ljoje, ihe ito mono elundululo. Ngašika Kornelius a šašua Kornelius (Iil. 10: —); ošo uo Lydia a šašua Lydia) 16: 14—15). ošo uo Simon a šašua Simon (8: 13);

Nenge aantu ojendji šo ja šašua inaa taamba omazina omape ngašika Iil. 8: 12 na 19: 5 tazi hokolola

EZINA ITALI HUPIŠA omuntu nando esiku limue nenge itali mü japula, ihe

omuntu e nokujapula ezina lje nuujapuki mbuka tau zi megulu no muukriste.

Aauambo ne pendukeni nokuli mošinima šika!

Lešeni naua šoka ša noolua mokambo „Ondjalulamasiku” jonuumvo pehulilo ljaoko. Oke ku noohapu tazi mu pukulula naua.



## Oupjakadi ongaho!

hamu ti mbela ile ngahelipi, esi mua tala omafano aa.

Mefano eli lotete hamu mono omumati ni nubi a hala okudanauka nosikombo. Ndele ne oje a hala oku si hepeka jo ngasi ovamati ve hoole. Oje a hala oku si ueueleka ndele ohaluka te si tu nomunue uaje. Omumati e litala omunaenġono ndele ina hala okutla osikombo songaho.



Ndele ne tala efano eli!

Omumati esi a ninga ngaha, ehandu losikombo la pipima, ndele sa nukile omumati — moko!

—Ndele vaali moko! — moko! — polokotol!

Hamu ti paimē omumati ou elai. Ndele ne dimbulukuēni nubi ovakriste vahapu hava danauka noulunde nomutondadi fijo omutondadi te va ningi moko! — ndele va nangala pedu!

Nena satana te va tuala saa opo a hala. Eingido itali kuafa noŋguo itaji udika.